

卷一百一十七



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百一十七
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞署 主簿 掌醢署 武庫署 武器署 左右都候

丞 守宮署 主簿 公車司馬令 武庫署

丞 諸陵署 主簿 崇玄署 典廩署

丞 典牧署 主簿 乘黃署 諸牧監

司直 丞 評事 主簿 監 獄丞

[彩色首頁1](#)

[東洋文化研究所漢籍目錄 編號: B3510400](#)
[東洋文化研究所漢籍目錄所藏漢籍善本文影像資料庫 索書號: 貴重-17](#)
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)
 版權所有: [東京大學 東洋文化研究所](#)
[使用上的注意事項](#)

所究研京東院學化文方東
No. 4008
第
三
册

0 1 2 3 4 5 6 7 8 9 5

不 許 複 製
NOT TO BE REPRODUCED
東京大学東洋文化研究所



杜氏通典卷第一百十七

禮七十七

吉九 纂類十二
大唐開元禮十二

皇帝皇太子視學 出宮 視學 車駕還宮

皇太子釋奠于孔宣父 國學釋奠仲春仲秋
釋奠于齊太公廟附

齋戒 陳設 出宮 饋享 講學 還宮

皇太子束脩 國學束脩附

皇帝皇太子視學

視學前一日所司灑掃學堂之內外尚舍設大次於學堂之後守宮設皇太子次於大次之東皆隨地之宜並如常儀尚舍設御位學堂上北壁下當中南向監司設講榻於御座之西南向設執讀座於前楹間

當講榻北向尚舍又設皇太子座於御座東南西向
設文官三品以上座於皇太子之南少退重行西面
北上設武官三品以上座於講榻西南當文官重行
東面北上設侍講座於執讀西北武官之前東向北
上其執如意者一人立於侍講之南東面設論議座於講榻之前西階
下典儀設版位於皇太子於東階東南西面執經於
西階西南東面文官三品以上於皇太子東南重行
西面北上武官三品以上於執經西南侍講執讀執
如意等於執經之後重行東面北上學生分於文武
官之後皆重行北上設典儀位於東階之西替者二
人在南差退俱西南

出宮

前出宮三日本司宣攝內外各供其職其日應從駕
文武官依時刻集朝堂諸衛陳設仗衛侍中版奏外
辦皇帝乘馬文武侍從並如常行幸之儀駕將至祭
酒帥監官學官學生等奉迎於路左學生青衫服駕至大
次門外降入如常

視學

皇帝既入大次執經侍讀侍講執如意等及學官各
服公服典儀帥替者先入就位謁者贊引引文武三
品以上及執經以下學生等入於堂下位皇太子立
於學堂門外之東西向如常侍中版奏外辦皇帝出

大次升自北階即御座南向坐侍臣及近侍量人從
升典儀量人升就東階上西面立舍人引皇太子就
位立諸衛率庶子等量人從入立奉禮曰再拜贊者
承傳皇太子以下在位者皆再拜侍中跪奏稱請勅
皇太子及公王等升坐又侍中稱制曰可侍中詣東
階上西面稱勅皇太子及公王等升殿上典儀承傳
階下贊者又承傳皇太子以下應坐者皆再拜訖通
事舍人引皇太子及群官坐者各升座訖其公服者
脫履於階
下及降納執讀讀所講經執經釋義訖遂行如意侍
皆如常講者執如意就論議座以次論難侍中跪奏禮畢群
官皆起通事舍人各降堂下位若有勅賜會則侍中

承前制降詣堂下宣勅及太官下食案等並如常儀
皇帝降座還大次侍衛如常儀群官以下會訖皆出
執經以下改服常服學生仍
青衿服

車駕還宮

皇帝既還大次侍中量時刻版奏外辦皇帝出次文
武官陪從還宮如來儀初駕出國子祭酒帥監官學
官學生等奉辭於路左如常式

皇太子釋奠于孔宣父

國學釋奠仲春秋
釋奠于齊太公廟並附

齋戒

皇太子散齋三日於別殿致齋二日於正殿前致齋
一日典設即設皇太子幄座於正殿東序及室內俱

西向又張帷於前楹下殿若無室張帷為之致齋之日質明諸

衛率各勒所部屯門列仗如常晝漏上水一刻左庶

子版奏請中嚴近伏就陳於閣外通事舍人引宮臣

文武七品以上袴褶陪位如式諸侍衛之官各服其

器服諸侍臣並結珮俱詣閣奉迎左庶子版奏外辦

上水三刻皇太子服通天冠絳紗袍結珮以出侍衛

如常皇太子即座西向坐侍臣夾侍如常一刻頃左

庶子前跪奏稱左庶子臣某言請降就齋室俛伏興

還侍位皇太子降座入室文武侍臣各還本司且衛

者如常典謁引陪位者以次出凡應享之官散齋三

日致齋二日散齋皆於正寢致齋一日於本司一近

侍之官應從升者及從享詳官監官學官學生等各

於本司及學館俱清齋一宿並如別儀國學及齋太

司先申享日本司散下其禮所司隨職供辦凡應享

之官散齋三日致齋二日如別儀無皇太子散齋以

儀下

陳設

前享三日典設即設皇太子便次於廟東西向又設

便次於學堂之後隨地之宜守官設文武侍臣次各

於便次之後文左武右設諸次享官於齋坊之內從

享之官於廟東門之外隨地之宜國學設獻官以下

儀同前享二日太樂令設軒懸之樂於廟庭東方西
方磬簾起北鍾簾次之北方磬簾起西鍾簾次之設

三罇鍾於編懸之間各依辰位樹路鼓於北懸之間
道之左右植建鼓於三隅置祝啟於懸內祝在左啟
在右設歌鍾歌磬於廟堂之上前楹間北向磬簾在
西鐘簾在東其匏竹者立於堂下階間重行北向相
對爲首凡懸皆展而懸之諸工人各位於懸後右校掃除內
外又爲瘞堦於院內堂之壬地方深取足容物南出
陛自設軒懸以下國學太公儀並同前享一日奉禮設皇太子位於
東陛東南西向國學設三獻位於東門之內道北執事則道南西向北上太公儀同國學
又設望瘞位於廟堂東北當埋堦西向望瘞與國學同太公儀並
同設亞獻終獻位於皇太子東南執事者各位於後
俱重行西向北上國學無亞獻以下儀太公並同設御史位於廟堂

之下西南東向令史陪其後設奉禮位於樂懸東北
贊者二人在南差退俱西面又設奉禮替者位於埋
堦東北南面東上設協律卽位於廟堂上前楹之間
近西東向設太樂令位於北懸之間北向自御史位以下與國學同太公設從享官七品以上位國學則館官位太儀同國學設從享官七品以上位國學則館官位太
於樂懸之東當執事西南向監官學官位於樂懸之
西當宮官東向國學則設學官位於懸西當館設學官東向太公廟設廟官位同
生位於宮官監官學官之後俱重行北上國學學生館官後有觀者於南門內道設門外位爲亞獻終獻左右相對爲首太公無學生
位於東門之外道南執事位於後每等異位俱北向
西上國學設三獻門外位如監官學官位於獻官東常儀太公儀與國學同

南國學則館官學官位從享宮官位於學官之東俱重

行北面以西為上設酒樽之位於廟堂之上先聖犧

樽二象樽二山壘二在前楹間北向先師犧樽二象

樽二山壘二在先聖酒樽之東俱西上樽皆加勺

其先師之爵同置於一洗設於東階東南亞獻之洗

又於東南俱北向壘水在洗東篚在洗西南肆篚實

爵執樽壘篚篚者各位於樽壘篚篚之後設幣篚二

各於樽坫之所典設即設皇太子座於學堂之上東

壁下西向監司設講榻於北壁下南向又設執讀者

座於前楹間當講榻北向守宮設太傅少傅座於皇

太子西北南面東上若有令詹事以下坐則設坐侍

講者座於執讀西北執如意者一人三館學官非侍講

者座於侍講者之西皆北面東上若有上臺三品以

上觀講者設座於侍講之北南面東上設論議座於

講榻之前近南北面設脫履席於西階之南東向掌

儀設版位宮官七品以上東階東南西向北上執經

侍講等於西階西南監官及學官非侍講者於侍講

者之後有上臺三品以上觀講者位於執經之北少

退重行皆東面北上學生分位於宮官學官之後皆

重行北上又設掌儀位於宮官西北贊者二人在南

皆西向國學無設皇太輔後郊社令帥齋郎以樽坫

壘洗篚篚入設於位升堂者謁者引祭酒司業詣厨

視濯既九導引者每一曲一遂巡贊引引御史詣厨

省饌具司業以下每事享日未明十五刻太官令帥

宰人以鑿刀割牲祝史以豆取毛血置於饌所遂烹

牲其牲用大牢二正座及先師首俎皆升右胖十一

未明五刻郊社令帥其屬及廟司各服其服升設先

聖神座於堂上西楹間東向國學設神座於廟室內

帷設先師神座於先聖神座東北南向西上若前堂

又於堂外之東至席皆以莞設神位各於座首國學

東而北東南向南上七十二第千名以其歷代祀先儒

出宮國學無此儀太公同

前出宮二日本司宣攝內外各供其職守宮設從享



宮官次於東宮朝堂如常其日未明所司依鹵簿陳

設於重明門外奉禮設從享宮官位於東宮朝堂如

常文武宮臣七品以上依時刻俱集於次各服公服

諸衛率各勒所部陳設如式左庶子版奏請中嚴典

謁引宮臣各就位諸侍衛官各服其器服左庶子負

俱詣閣奉迎僕進軺車於西閣外南向若須乘輦則

內率一人執刀立於車前北向中允一人在侍臣之

前贊者二人在中允之前左庶子版奏外辦僕奮衣

而出正立執轡皇太子著具服遠遊冠乘輿以出左

右侍衛如常儀內率前執轡皇太子升車僕立授綬

左庶子以下夾侍如常儀中允進當車前跪奏稱請

發引俛伏興退復位凡中允奏請皆當車前跪奏稱其官臣某言訖俛伏興車動中允與贊者夾引以出內率夾車而趨出重明門至侍臣上馬所中允奏稱請車權停令侍臣上馬左庶子前承令退稱令曰諾中允退稱侍臣上馬贊者承傳文武侍臣皆上馬庶子以下夾侍於車前贊者在供奉官入內侍臣上馬畢中允奏稱請令車右升左庶子前承令退稱令曰諾中允退復位內率升訖中允奏稱請發引退復位皇太子車動太傅乘車訓導少傅乘車訓從出延喜門不鳴鼓吹從享宮臣乘馬陪從如常儀

饋享

享日未明三刻諸享官各服祭服諸陪祭之官皆公服學生青衿服郊社令良醞令各帥其屬入實樽壘及幣犧樽實以醴齊象樽實以盞齊山壘實以清酒齊加明水酒加玄酒各實於上樽其幣以白各長一丈八尺太官令帥其屬實諸籩豆簋簠俎等未明二

刻奉禮帥贊者先入就位贊引引御史太祝及令史祝史與執樽壘籩者入自東門當階間重行北向西上立定奉禮曰再拜贊者承傳凡奉禮有辭贊者皆承傳御史以下皆再拜訖執樽壘籩者各就位贊引引御史

太祝詣東階升堂行掃除於上令史祝史行掃除於下訖引降還齋所奉禮以下次還齋所國學掃除於下訖引就位

謁者引享官以下俱就門外位學生就門內位太公儀無學生位餘同國學皇太子將至

謁者贊引各引享官及從享學官等俱就門外位學
 生皆入就門內位皇太子至廟門外迴車南向率降
 立於車右左庶子進當車前跪奏稱左庶子臣某言
 請降車俛伏興還侍位皇太子降車乘輿之便次侍
 衛如常郊社令以祝版進皇太子署訖近臣奉出郊
 社令受各奠於坫國學無皇太子將至以此儀太公並同未明一刻
 謁者贊引引享官就門外位奉禮帥替者先入就
 位贊引引御史以下入就位國學無謁者以下儀太公同太常令
 帥工人二舞次入就位文舞入陳於懸內武舞立於
 懸南道西其升堂坐者皆脫履於下降納如常謁者引祭酒入就位立
 定奉禮曰再拜祭酒再拜訖謁者引祭酒詣東階升

堂行掃除於上降行樂懸於下訖引還本位初祭酒
 行樂懸謁者贊引各引祭官及陪祭之官次入就位
國學則謁者引司業太公儀引亞獻皇太子停便次半刻頃率更令於
 便次門外東向左庶子版奏外辦皇太子出便次侍
 衛如常儀率更令引皇太子至廟東門中允進笏皇
 太子執笏近侍者從入如常儀皇太子至版位西向
 立每立定率更令進立於左率更令前啓再拜退復位皇太子再
 拜奉禮曰衆官再拜衆官在位者及學生皆再拜其
 拜者率更令前啓有司謹具請行事退復位國學初
 拜者率更令前啓有司謹具請行事退復位司業行
 掃除訖謁者贊引各引享官以平學官以上次入就
 位立定奉禮曰衆官再拜衆官及學生皆再拜其先
 拜者不拜謁者進祭酒之左白有司謹具請行事退
 復位無停便次以下儀太公儀亞獻掃除就位至八

拜訖謂者協律即跪俛伏舉麾凡取物者皆跪俛伏
 白初獻而取以興奠物則奠
 訖俛伏鼓祝奏永和之樂以姑洗之均自後堂下接
 而後興而後興
 姑作文武之舞樂舞三成偃麾凡樂皆協
 工誠祝而後作偃率更令前啓再拜退復位皇太子
 麾率更令前啓再拜退復位皇太子
 再拜國學無率更下至奉禮曰衆官再拜在位者及
 學生皆再拜太祝各跪取幣於篚立於樽所率更令
 引皇太子永和之樂作皇太子每行皆作永和之樂
 者引初獻官皇太子自東階升左庶子以下及左
 右侍衛量人從升以下皆皇太子升堂進先聖神座
 前西向立樂止太祝以幣授左庶子左庶子奉幣北
 向進皇太子搯笏受幣每受物搯笏奠登歌作肅和



之樂以南呂之均率更令引皇太子進西面跪奠於
 先聖神座前俛伏興率更令引皇太子少退西向再
 拜訖率更令引皇太子進先師首座前北向立又太
 祝以幣授左庶子左庶子奉幣西向進皇太子受幣
 率更令引皇太子進北向跪奠於先師首座俛伏興
 率更令引皇太子少退北向再拜登歌止率更令引
 皇太子樂作皇太子降自東階還版位西向立樂止
 初群官拜訖各奉毛血之豆立東門外於登歌止祝
 史奉毛血升自東階太祝迎取於階上進奠於先聖
 及先師首座前太祝與祝史退立於樽所初皇太子
 既奠幣太官令出帥進饌者奉饌陳於東門之外初

皇太子既至位樂止太官令引饌入俎初入門奏雍和之樂自後酌獻皆樂饌至階樂止祝史各進跪徹毛血之豆降自東階以出饌升太祝迎引於階上各設於神座前遵豆蓋幕先徹乃升蓋設訖太官令以下降復位太祝還樽所率更令引皇太子詣壘洗樂作皇太子至壘洗樂止左庶子跪取匱盥沃水又左庶子跪取盤盥承水皇太子盥手中允跪取巾於匱興進皇太子受爵左庶子酌壘水又左庶子奉盤皇太子洗爵中允又授巾皆如初皇太子拭爵訖左庶子奠盤匱中允受巾奠於匱皆如常率更令引皇太子

樂作皇太子升自東階樂止詣先聖酒樽所執樽者舉焉左庶子贊酌醴齊訖樂作率更令引皇太子進先聖神座前西向跪奠爵俛伏興率更令引皇太子少退西向立樂止太祝持板進於神座之右北面跪讀祝文曰維某年歲次月朔日子皇太子某國學云開元神武皇帝謹遣祭酒某封姓名下同太公儀云謹遣某官某封敢昭告于先聖孔宣父惟夫子固天攸縱誕降生知經緯禮樂闡揚文教餘烈遺風千載是仰俾茲末學依仁游藝謹以制幣犧齊粢盛庶品祗奉舊章式陳明薦以先師顏子等配座尚饗訖興太公祝云爰定六韜載成七德功業昭著生靈攸仰俾茲末學克奉舊章皇太子再拜初讀祝文訖樂作太祝進跪

云至以張留候等配

奠版於神興還樽所皇太子拜訖樂止率更令引皇太子詣先師酒樽所執樽者舉罍左庶子取爵於坫進太子受爵左庶子贊酌醴齊樂作率更令引皇太子進先師首座前北向跪奠爵俛伏興率更令引皇太子少退北向立樂止皇太子既奠首座爵餘座皆齊即助奠引相次而畢其亞獻終獻齋即助奠亦如之太祝持板進於先師神座之左西面跪讀祝文曰維某年歲次月朔日子皇太子某敢昭告于先師顏子等七十二賢爰以仲春仲秋率遵故實敬脩釋奠于先聖孔宣父惟子等或服膺聖教德冠四科或光闡儒風貽範千載謹以制幣犧齊粢盛庶品式陳明薦從祀配神尚饗訖興齊太公配座張留侯等祝云惟子等



宣揚武教光贊黼黻大濟生靈貽範千載云云皇太子再拜初讀祝文訖樂作太祝進跪奠板於神座興還樽所皇太子拜訖樂止率更令引皇太子詣東序西向作樂太祝各以爵酌上樽福酒合置一爵一太祝持爵授左庶子左庶子舉爵北向進皇太子再拜受爵跪祭酒啐酒奠爵興太祝各帥齋郎進俎太祝跪減先聖及先師首座前三牲胙肉皆取前脚第一骨加於俎又以籩豆取稷黍飯興以胙肉各共置一俎上又以飯共置一籩太祝以飯籩授左庶子左庶子奉飯北向進皇太子受以授左右太祝又以俎授左庶子左庶子以次奉進皇太子每受以授左右訖皇太子跪取爵遂飲卒爵左庶

子進受爵以授太祝太祝受爵復於坵皇太子俛伏
 興再拜樂止率更令引皇太子樂作皇太子降自東
 階還板位西向立樂止文舞出鼓祝作舒和之樂出
 訖戛敵樂止武舞入鼓祝作舒和之樂立定戛敵樂
 止初皇太子將復位謁者引國子祭酒國學謁者引
同業下放此
太公同詣壘洗手洗爵訖謁者引祭酒升自東階
引亞獻詣先聖酒樽所執樽者舉罍祭酒酌盞齊訖武舞作
 謁者引祭酒進先聖神座前西向跪奠爵興謁者引
 祭酒少退西向再拜謁者引祭酒詣先師酒樽所取
 爵於坵執樽者舉罍祭酒酌盞齊謁者引祭酒進先
 師首座前北向跪奠爵興謁者引祭酒少退北向再

拜訖謁者引祭酒詣東序西向立太祝各以爵酌壘
 福酒合置一爵一太祝持爵進祭酒之左北向立祭
 酒再拜受爵跪祭酒遂飲率爵太祝進受爵復於坵
 祭酒興再拜謁者引祭酒降復位初祭酒獻將畢謁
 者引司業國學謁者引博士下
放此太公儀引終獻詣壘洗訖升酌盞齊
 終獻如亞獻之儀訖謁者引司業降復位武舞止太
 祝等各進跪徹豆興還樽所徹者遵豆各一
必移於故處奉禮曰
 賜昨替者唱衆官再拜在位者及學生皆再拜祀者
祀者
 再求和之樂作率更令前啓再拜退復位皇太子再
拜國學無率更令至再
拜太公儀同國學奉禮曰衆官再拜在位者及
 學生皆再拜樂一成止率更令前啓請就望座位率

更令引皇太子就皇座位西向立國學謂者引祭酒
 奉禮帥替者轉就座堦東北向初在位者將拜太祝
 各執篚進神座前跪以篚取幣降自西階詣座堦以
 幣置於堦訖奉禮曰可座堦東西廂各四人真土半
 堦率更令前啓禮畢國學太公儀進初獻之左白儀率更令引皇太
 子出門還便次樂作國學謂者遂引祭酒出無皇太
 子出門樂止中允進受笏侍衛如常儀國學無皇太
儀同謁者贊引各引亞獻以下以次出初自禮畢奉
 禮帥替者還本位贊引引御史太祝以下俱復執事
 位立定奉禮曰再拜御史以下皆再拜訖贊引引出
 學生以次出其祝板燔於齋坊

講學國學儀無齊太公同

皇太子既入便次改服常服執經侍講執讀執如意
 等及三館學官並服公服學生仍青衿服餘皆常服
 掌儀帥替者先入就位謁者各引群官及學生等次
 入就位左庶子板奏外辨皇太子乘輿出便次若須乘馬
臨時聽侍衛如常儀至學堂後降輿升自北階即座
進止坐左右侍衛量人從升掌儀曰再拜替者承傳群官
太傅少傅各執座坐及學生等在位者皆再拜執經左庶子跪奏請令執
 經等升俛伏興又左庶子稱令曰諾左庶子退降詣
 西階下立於執經等之前北面宣令曰執經以下並
 升坐應坐者皆再拜執經通事舍人引執經以下升

各就座坐

其升坐者皆脫履如式

訖執經讀所講經釋義訖執

如意者以如意授侍講侍講與受進詣論義座北面

問所疑執經爲通之訖與退以如意授執者退還本

座執如意者以如意次授諸侍講者皆如上儀總訖

左庶子跪奏禮畢群官皆起通事舍人各引降復堂

下位皇太子降座降自北階入學堂後便次群官以

次出執經以下改服常服

學生仍青衿服

還宮

皇太子既入便次左庶子板奏請解嚴

將士不得輒離部伍

太子改服公服停便次一刻頃搥一鼓爲一嚴有司

轉伏衛於還塗如來儀二刻頃又搥二鼓爲再嚴左

庶子板奏請中嚴國子祭酒以下學生以上並出就

學外道左奉辭三刻頃又搥三鼓爲三嚴僕進輜車

於門外如常左庶子板奏外辦皇太子乘輿出次學

門外降輿乘車侍衛如常左庶子奏請及車右升降

侍臣上馬文武陪從皆如來儀車動鼓吹振作如式

至國子祭酒以下奉辭處權停車國子祭酒以下皆

再拜通事舍人承令宣勞及拜皆如常車至城隅以

鼓吹止過廟鼓吹作至延喜門鼓吹止延喜門鐃吹

作至重明門宮官文武俱下馬皇太子乘車入太傅

少傅還皇太子至殿門迴車南向左庶子跪奏請降

車俛伏興皇太子降車乘輿入侍臣從至閣門左庶

子板奏請解嚴將士還本所

皇太子束修國學束修附

束帛一筐五酒一壺二修一案五

其日平明皇太子服學生之服學生青衿服國學儀並言學生下倣此

至學門外博士公服執事者引立於學堂東階下西

面相者引皇太子國學贊禮者引學生下倣此立於門外之東西

面不自同於賓客陳束帛壺酒修案於皇太子之西面當門

北向重行西上將命者出立門西東向曰敢請事皇

太子少進曰某方受業於先生敢請見將命者入告

博士曰某也不德請皇太子無辱若以封王則云請王無辱學生云請

子無辱下倣此將命者出告皇太子曰某不敢為儀敢固請

將命者入告博士曰請皇太子就位某敢見將命者

出告皇太子曰某不敢以視賓客請終賜見將命者

入告博士曰某辭不得命敢不從將命者出告執筐

者以筐東西授皇太子皇太子執筐博士降候於東

階下西面相者引皇太子執事者奉壺酒修案以從

皇太子入門而左詣西階之南東面奉酒修者立於

皇太子西南東面北上皇太子跪奠筐再拜博士答

再拜皇太子還避遂進跪取筐相者引皇太子進博

士前東面授幣奉壺酒修案者從奠於博士前博士

受幣執事者取酒修幣以東相者引皇太子立於階

間近南北面奉酒修者出皇太子拜訖相者引皇太

子出

杜氏通典卷第一百十七終

通典卷第一百十八

禮七十八 吉十 纂類十三 大唐開元禮十三

皇帝巡狩告圓丘 告社廟及歸 格禮並附

齋戒 陳設 鑾駕出宮 親告 告社則薦 玉帛及進

熟告廟則晨 裸及饋食 鑾駕還宮

巡狩告圓丘有司攝事 告社廟附

皇帝巡狩

鑾駕出宮 燔柴告至 望秩於山川

肆覲東后 考制度

皇帝巡狩告圓丘 告社廟及歸 格禮並附

齋戒